

Siunnersuummut nassuiaatit

Nassuiaatit nalinginnaasut

1. Aallaqqaasiut

Siunnersuummut pingaarnertut siunertaavoq, inatsisip atuuffissaasa annikillisinneqarnissaat, taamaalilluni aaqqissuussinerit danskit soraarnerussutisianut aningaasaateqarfiini pilersinneqarsimasut kisimik danskit soraarnerussutisianik akileraarusiisarnermut inatsisaanni 53 A-mi aatsaat ilaatinneqassallutik.

Tamatuma saniatigut inatsimmi annikinnerusunik naleqqussaasoqarpoq aamma sunniutaasunik iluarsiiisoqarluni.

2. Siunnersuummi immikkoortut pingaarnertit

Siunnersuut aningaasarsianit akileraarutit pillugit Inatsisartut inatsisaata allanngortinneqarnissaa pillugu Inatsisartut inatsisissaannut siunnersuummut aamma ataatsimiinnermi matumani saqqummiunneqartumut, ataqatigiissillugu isigineqassaaq.

Inatsit manna malillugu pissarsianit akileraarusiisarneq arlalinnik siunertaqarpoq. Siullermik soraarnerussutisianut aaqqissuussinernit aalajangersimasunit, inuit Kalaallit Nunaannut tamakkiisumik akileraartussaataitaasut nunani allani pilersissimasaannit aammalu akiliivigisartagaannit, pissarsiat ingerlaavartut ilaannik nunap karsiata qulakkeerneqassaaq. Aappaattut innuttaasut soraarnerussutisianut aaqqissuussinernik, soraarnerussutisialittut ukioqarneq tamakkerlugu pineqartup pilersorneqarneranut tapertaasussanik, toqqaasalersinnissaat siunertarineqarpoq. Soraarnerussutisianut aningaaserivinni Kalaallit Nunaata avataani pilersinneqartuni soraarnerussutisianut aaqqissuussinernut tunngatillugu, pingaartumik soraarnerussutisianut aaqqissuussinerit aningaasarsianit akileraarutit pillugit Inatsisartut inatsisaanni § 39 a-mi imaluunniit § 39 c-mi aamma danskit soraarnerussutisianik akileraarusiisarnermut inatsisaanni § 53 A-mi pineqartunut ilaatinneqartut, tassani pineqarput. Aaqqissuussinernit taakkunannga pissarsiat taamaattumik inatsimmi matumani maleruagassat malillugit 15,3 procentimik annikinnerusumik akileraarutissaq annertussusilerlugu akileraaruserneqartassapput.

Nunani allani soraarnerussutisianut aaqqissuussinerit, inatsit manna malillugu annikinnerusumik pissarsianit akileraarusiisarnermi pineqartunut ilaatinneqanngitsut, aallaaviatigut aningaasarsianit akileraarutit pillugit Inatsisartut inatsisaanni § 44, imm. 3-6-imi maleruagassat malillugit akileraaruserneqassapput. Tassani inuup aningaasarsiaannut akileraarutaasussanut pissarsiat ingerlaavartut naatsorsuinnermi ilanngunneqartassapput, taamaalillutillu inummut akileraarusiinnermut annertussusiliussaq tamarmiusoq atorlugu akileraaruserneqartassallutik. Taamaalilluni pissarsiat qaffasinnerusumik aammalu aningaaserivimmiittuutinit ernianit isertitat annertoqataannik akileraaruserneqartassallutik.

Soraarnerussutisianut aaqqissuussinerit, soraarnerussutisianut aningaasaateqarfinni aamma aningaaserivinni Kalaallit Nunaanni pilersinneqartuni pilersinneqartut,

soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaat malillugu annikinnerusumik taamaaqataanik akileraaruserneqartassapput.

Inatsimmi § 1-imi danskit soraarnerussutisianik akileraarusiisarnermut inatsisaanni § 53 A-mut innersuussinerup malitsigisaanik, soraarnerussutisianut aaqqissuussinernit pissarsiat, aalajangersakkami tassani pineqartunut ilaatinneqartut, taamatuttaaq inatsimmi matumani maleruagassat malillugit annikinnerusumik akileraaruserneqartassapput.

Soraarnerussutisianut aaqqissuussinerit § 53 A-mi pineqartunut ilaatinneqartut aaqqissuussinerni Danmarkip aamma Kalaallit Nunaata avataanni pilersinneqartuni, pineqartunut ilaatinneqaraluartut, tamanna atuutissaaq. Aaqqissuussineq Danmarkip imaluunniit Kalaallit Nunaata avataanni pilersinneqartoq danskit soraarnerussutisianik akileraarusiisarnermut inatsisaanni § 53 A-mi aalajangersakkani pineqartunut ilaatinneqarnerseq, akileraartarnermut ingerlatsiviup nalileruminaatsissinnaavaa, tassami maleruagassat pisariusuummata aammalu naliliineq taanna naggataatigut danskit akileraartarnermut oqartussaasuinit taamaallaat suliarineqarsinnaammat.

Taamaattumik siunnersuutigineqarpoq, danskit soraarnerussutisianik akileraarusiisarnermut inatsisaanni § 53 A- danskit soraarnerussutisianut aningaasaateqarfianniissasoq, erseqqissarneqassasoq.

Tamatuma saniatigut erseqqissarneqarpoq aningaasarsianit akileraarutit pillugit Inatsisartut inatsisaanni § 39 c, imm. 1-imi aamma 2-mi pineqartunut ilaatinneqassasoq, ilanngunneqarpoq. Soraarnerussutisianut aaqqissuussinerit, taamanikkut Kalaallit Nunaanni soraarnerussutisianut ingerlatseqatigiiffimmit Danmarkimi soraarnerussutisianut ingerlatseqatigiiffimmut nuutinneqartut, § 39 c-mi pineqartunut ilaatinneqarput.

Siunnersuut inatsimmut atuuttumut sanilliullugu	
<i>Oqaasertai atuuttut</i>	<i>Siunnersuut</i>
	§ 1
	Pigisanit pissarsiat ilaasa akileraaruserneqartarnerat pillugu Inatsisartut inatsisaanni nr. 37, 23. november 2017-imeersumi, Inatsisartut inatsisaanni nr. 25, 28. november 2018-imeersumi allanngortinneqartumi, makku allannguutigitinneqarput:
§ 1, imm. 1.	1. § 1, imm. 1, imatut oqaasertalerneqarpoq:

<p>§ 1. Soraarnerussutisiaqarsinnaatitaasut aningaasarsianit akileraarutit pillugit Inatsisartut inatsisaanni (aningaasarsianit akileraarutit pillugit inatsimmi) § 1, imm. 1, nr. 1 imaluunniit 2, imaluunniit imm. 2 naapertorlugu akileraartussaasut, aammalu marloqiusamik akileraartannginnissamik isumaqatigiisummi aalajangersakkat naapertorlugit naalagaaffimmi takornartami, Danmarkimi imaluunniit Savalimmiuni pilersinneqartutut isigineqanngitsut, inuunermut sillimmasiissutit aamma soraarnerussutisiaqarnissamut aaqqissuussinerit aningaasarsianit akileraarutit pillugit Inatsisartut inatsisaanni § 39 a, imm. 1-imi 2-milu piumasaqaatinik naammassinnittut, aamma aaqqissuussinerit danskit soraarnerussutisiaqarnissamut aaqqissuussinerit il.il. akileraaruserneqartarnerat pillugu inatsisaanni § 53 A-mi pineqartut iluanaarutaannit akileraarutinik, Inatsisartut inatsisaat manna malillugu akiliissapput.</p>	<p>”Soraarnerussutisiaqarsinnaatitaasut aningaasarsianit akileraarutit pillugit Inatsisartut inatsisaanni (aningaasarsianit akileraarutit pillugit inatsimmi) § 1, imm. 1, nr. 1 imaluunniit 2, imaluunniit imm. 2 naapertorlugu akileraartussaataitaasut, aammalu marloqiusamik akileraartannginnissamik isumaqatigiisummi aalajangersakkat naapertorlugit naalagaaffimmi takornartami, Danmarkimi imaluunniit Savalimmiuni angerlarsimaffeqartutut isigineqanngitsut, inuunermut sillimmasiissutit aamma soraarnerussutisiaqarnissamut aaqqissuussinernit, aningaasarsianit akileraarutit pillugit inatsimmi § 39 a, imm. 1-imi 2-milu imaluunniit § 39 c, imm. 1-imi aamma imm. 2-mi piumasaqaatinik naammassinnittunit, kiisalu soraarnerussutisianut aaqqissuussinerit soraarnerussutisianut aningaasaateqarfimmi Danmarkimi angerlarsimaffeqartumi pilersinneqarsimappata, soraarnerussutisianik akileraarusiisarneq pillugu danskit inatsisaanni § 53 A-mi pineqartunut ilaasuni pissarsianit akileraarutinik, Inatsisartut inatsisaat manna malillugu akiliissapput.”</p>
<p>§ 7. Soraarnerussutisiaqalernissamut aaqqissuussinernit il.il. § 1-imi taaneqartunit tunniunneqartut ingerlaavartumik iluanaarutit akileraarutaannut matusissutissatut, aningaasarsianut akileraaruserneqartussanut ilanngunneqassanngillat kiisalu suli piffissanngunngitsoq atorunnaarsitsinertut isigineqanngillat.</p> <p>Imm. 2. Aningaasanik akileraarutinut matussusiissutissanik tunniussineq ingerlanneqassaaq kingusinnerpaamik ukiup iluanaarutip pissarsiarineqarfiata kingornatigut ukiumi tullermi.</p>	<p>2. § 7 atorunnaarsinneqarpoq.</p>

<p>§ 8. Inuunermut sillimmasiissutinik aamma soraarnerussutisiaqarnissamut ileqqaakkanik, aningaasarsianit akileraarutit pillugit Inatsisartut inatsisaanni § 39 a, imm. 1-imi 2-milu piunasaqaatinik naammassinnittunik, aammalu aaqqissuussinernik, soraarnerussutisiaqarnissamut aaqqissuussinerit il. il. akileraaruserneqartarnerat pillugu danskit inatsisaanni § 53 A-mi, pineqartunik neqerooruteqartut, makku pillugit paasissutissanik akileraaruseriffimmut nalunaaruteqartarnissaannik Naalakkersuisut isumaqatigiissuteqarfigisinnaavaat:</p> <ol style="list-style-type: none"> 1) kontumik piginnittut ataasiakkaat aqqi, najugaat aamma CPR normui, 2) ukiup aallartinnerani naaneranilu uninngasuutit, aamma 3) ukiumi iluanaarutit, takuuk § 3. <p>Imm. 2. Soraarnerussutisiaqarnissaq siunertaralugu ileqqaarnernik kiisalu inuunermik sillimmasiinermik aamma soraarnerussutisiaqalernissamut aaqqissuussinernik nioqquteqartunik, aningaasarsianit akileraarutit pillugit inatsimmi 39 a, imm. 1 aamma 2 naapertorlugit kiisalu soraarnerussutisiaqalernissamut aaqqissuussinernik akileraarusiisarneq pillugu qallunaat inatsisaanni § 53 A-mi aaqqissuussinerni ilanngunneqartuni il.il. naatsorsuineranut, soraarnerussutisiaqarsinnaatitaasut sinnerlugit akileraarutininik uninngatitsineq akiliinerlu pillugit Naalakkersuisut isumaqatigiissuteqarsinnaapput, tak. § 2, imm. 1 aamma 2, § 3, § 6 aamma § 7.</p> <p>Imm. 3. Naalakkersuisut paasissutissanik tunniussisarneq, akileraarutininik unerartitsisarneq akiliisarnerlu il.il., imm. 1-imi 2-milu taaneqartut pillugit</p>	<p>3. § 8, imatut oqaasertalerneqarpoq: ”§ 8. Inuunermik sillimmasiinernik aamma soraarnerussutisiassanut ileqqaarnissamut neqerooruteqartut, aningaasarsianit akileraarutit pillugit Inatsisartut inatsisaanni § 39 a, imm. 1-imi aamma 2-mi, § 39 c, imm. 1-imi aamma 2-mi, imaluunniit danskit soraarnerussutisianut akileraarusiisarnermut inatsisaanni § 53 A-mi, piunasaqaatinik naammassinnittut, akileraaruserneqartarnerat ingerlatsivimmut makku pillugit paasissutissanik nalunaaruteqartarnissaannik Naalakkersuisut isumaqatigiissuteqarfigisinnaavaat:</p> <ol style="list-style-type: none"> 1) kontumik piginnittut ataasiakkaat aqqi, najugaat aamma CPR normui, 2) ukiup aallartinnerani naaneranilu uninngasuutit, aamma 3) ukiumi iluanaarutit, takuuk § 3. <p>Imm. 2. Inuunermik sillimmasiinernik aamma soraarnerussutisiassanut ileqqaarnissamut neqerooruteqartut, soraarnerussutisiaqarsinnaatitaasut sinnerlugit akileraarutininik naatsorsuineq, unerartitsineq aamma akiliineq, takukkit § 2, imm. 1 aamma 2, § 3, § 6 aamma aningaasarsianit akileraarutit pillugit inatsimmi § 46, imm. 1-2 aamma §46 a, pillugit imm. 1-imi pineqartunut ilaasut Naalakkersuisut isumaqatigiissuteqarfigisinnaavaat.</p> <p>Imm. 3. Paasissutissanik tunniussisarneq aamma akileraarutininik unerartitsisarneq akiliisarnerlu il.il. imm. 1-imi aamma 2-mi taaneqartut pillugit maleruagassanik erseqqinnerusunik Naalakkersuisut aalajangersaasinnaapput.”</p>
--	--

maleruagassanik sukumiinerusunik aalajangersaasinnaapput.	
	<p style="text-align: center;">§ 2</p> <p>Inatsisartut inatsisaat ulloq 1. januar 2021 atuutilerpoq aammalu ukioq isertitaqarfiusoq 2021 aallarnerfigalugu atuulluni.</p>

3. Pisortanut aningaasaqarnikkut allaffissornikkullu sunniutaasussat

Nunani allani soraarnerussutisianut aaqqissuussinernit arlalinnit pissarsiat, aningaasarsianit akileraarutit pillugit Inatsisartut inatsisaanni maleruagassat malillugit akileraaruserneqartalernissaannik, siunnersuut malitseqassaaq. Tamanna akileraarutininik iluanaarutit qaffasinnerulernerannik malitseqarsinnaavoq, tassami akileraarusiinermit annertussusiliussaq qaffasinnerummat. Taamaattoq aningaasaqarnikkut sunniutaasussat annertunerusunik pitsaassuseqartinneqarsinnaanngillat, tassami nunani allani akileraartussaataitaasut soraarnerussutisiassanik uninngasuutaat tamakkiisumik ilisimaneqanngimmata. Tamatuma saniatigut aningaasarsianit akileraarutit pillugit Inatsisartut inatsisaata allanngortinneqarnissaa pillugu siunnersuummi aningaasaqarnikkut sunniutaasussanut nassuiaatit, innersuussutigineqarput.

Nunani allani soraarnerussutisiassanut aningaasaateqarfimmi soraarnerussutisianut aaqqissuussinernit pissarsiat, inatsimmi matumani maleruagassat malillugit imaluunniit aningaasarsianit akileraarutit pillugit Inatsisartut inatsisaanni maleruagassat malillugit akileraaruserneqartassanersut, naliliisarnerup ajornannginnerulerneranut siunnersuut iluaqutaassaaq.

4. Inuussutissarsiortunut aningaasaqarnikkut allaffissornikkullu sunniutaasussat

Siunnersuut inuussutissarsiortunut sunniuteqassanganneqanngilaq.

5. Avatangiisinut, pinngortitamut inuillu peqqissusaannut sunniutaasussat

Siunnersuut avatangiisinut, pinngortitamut imaluunniit inuit peqqissusaannut sunniuteqassanganneqanngilaq.

6. Innuttaasunut sunniutaasussat

Tamakkiisumik akileraartussaataitaasunut, Danmarkip avataani soraarnerussutisianut aningaasaateqarfimmi, danskit soraarnerussutisianik akileraarusiisarnermut inatsisaanni § 53 A-mi pineqartunut ilaasunik, soraarnerussutisianut aaqqissuusaqartunut pissarsianit qaffasinnerusunik akileraarusiisalernermik siunnersuut kinguneqassaaq.

Siunnersuut aningaasarsianit akileraarutit pillugit Inatsisartut inatsisaanni 39 d-p ilanngunneqarnissaanik, nunani allani soraarnerussutisianut aaqqissuussinerit

aalajangersimasut akileraarutitigut suliarineqartarnerannik maleruagassiiiviusussamik, siunnersuuteqarnermut, ataqatigiissillugu isigineqassaaq.

7. Sunniutaasussat annertuut allat

Siunnersuutip annertuunik allanik sunniuteqarnissaa naatsorsuutigineqanngilaq.

8. Oqartussanut kattuffinnullu il.il. tusarniaaneq

Siunnersuut aningaasarsianit akileraarutit pillugit Inatsisartut inatsisaata allanngortinneqarnissaanut peqatigitillugu piffissami 7. maj 2020 - 12. juni 2020 makkunani tusarniaassutigineqarpoq:

Siunnersuut aammattaaq tusarniaanermut nittartakkami tamanut saqqummiunneqarpoq uani www.naalakkersuisut.gl.

Tusarniaanermut akissuteqaatit inatsisissatut siunnersuutininut marluusunut tunngassuteqarmata, kisianni pingaartumik aningaasarsianit akileraarutit pillugit Inatsisartut inatsisaata imarisaannut attuumassuteqarlutik, tusarniaanermut akissuteqaatit aningaasarsianit akileraarutit pillugit Inatsisartut inatsisaata allanngortinneqarnissaa pillugu Inatsisartut inatsisissaannut siunnersuummut nassuiaatini nalinginnaasuni ataatsimoortillugit sammineqarput.

Tusarniaanerup kingunerisaanik inatsisip oqaasertaanni aammalu siunnersuummut nassuiaatini nalinginnaasuni allanngortitsisoqarpoq.

Allannguutigitinneqarpoq aaqqissuussineq danskit aningaaserivianni pilersinneqarsimappat, inatsisip matuma, soraarnerussutisianut aaqqissuussinernut, danskit soraarnerussutisianut akileraarusiisarnermut inatsisaanni § 53 A-mi pineqartunut, ilaatinneqarnissaa, erseqqissarneqarnera.

Tusarniaanermut akissuteqaatit suliarineqarnerannut tunngatillugu aningaasarsianit akileraarutit pillugit Inatsisartut inatsisaata allanngortinneqarnissaa pillugu Inatsisartut inatsisaannut nassuiaatit 2020-mi ukiaanerani ataatsimiinnermi suliarineqartut, innersuussutigineqarput.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

§ 1, imm. 1-imut allannguutissatut siunnersuummi pineqarpoq, aqqissuussinerit pineqartunut ilaatinneqassappata, taakkua danskit soraarnerussutisianik akileraarusiisarnermut inatsisaanni § 53 A-mi pineqartunut ilaatinneqartut, soraarnerussutisianut aningaasaateqarfinni Danmarkimi angerlarsimaffeqartuniissasut, erseqqissarneqarnera. Oqaatsimi soraarnerussutisianut aningaasaateqarfiit, pineqarput inuunermut soraarnerussutisianullu sillimmasiisarfiit, soraarnerussutisianut aningaasaateqarfiit aamma aningaaseriviit.

Tamatuma saniatigut aningaasarsianit akileraarutit pillugit Inatsisartut inatsisaanni § 39 c, imm. 1-imut aamma 2-mut innersuussut ilanngunneqarpoq. § 39 c-mi soraarnerussutisianut aqqissuussinerit Danmarkimi soraarnerussutisianut aningaasaateqarfimmut tunniunneqartut, pineqartunut ilaatinneqarput.

Nr. 2-mut

Siunnersuutigineqarpoq § 7 atorunnaarsinneqassasoq. Aalajangersagaq malillugu tigusineq aningaasarsianit akileraarutit pillugit Inatsisartut inatsisaanni § 46 malillugu akitsuusiisussanngortitsinani, pissarsianit ingerlaavartunit akileraarusiinermut matussutissatut soraarnerussutisianut aqqissuussinerimi pineqartunut ilaatinneqartumit tigusisoqarsinnaavoq. Taamaaliornissamut periarfissaqarneq allanngortinneqanngilaq, kisianni tigusisarnerit pillugit aalajangersakkat aningaasarsianit akileraarutit pillugit Inatsisartut inatsisaannut nuunneqassasut siunnersuutigineqarpoq.

Nr. 3-mut

§ 8-mi allannguutini ilaapput siunnersuummi nr. 1-ip malitsigisaanik sunniutaasunik iluarsinerit. Tamatuma saniatigut annikinnerusunik allanik sunniutaasunik iluarsisoqarpoq naleqqussaasoqarlunilu.

Ilaatigut soraarnerussutisiaqalernissamut ileqqaakkanut innersuussineq peerneqarpoq. Aningaasarsianit akileraarutit pillugit Inatsisartut inatsisaanni kapitali 4 a malillugu aningaaserivinni Kalaallit Nunaanni pilersinneqartuni soraarnerussutisiaqalernissamut ileqqaakkat, soraarnerussutisiaqalernissamut aningaasaatit ilaannit pissarsiat akileraaruserneqartarnerat pillugu Inatsisartut inatsisaanni pineqartunut ilaatinneqalerput.

Taamaattoq Danmarkimi aningaaserivimmi soraarnerussutisiaqalernissamut ileqqaakkat danskit soraarnerussutisianik akileraarusiisarnermut inatsisaanni § 53 A-mi pineqartunut ilaasut, aalajangersakkami pineqartunut ilaassapput.

§ 2-mut

Inatsisartut inatsisaat ulloq 1. januar 2021 atuutilissasoq siunnersuutigineqarpoq.